

ISIZULU ULIMI LWASEKHAYA: IPHEPHA II
ISIZULU HOME LANGUAGE: PAPER II

Isikhathi: Amahora ama-3

Amamaki ayi-100

QAPHELA LOKHU OKULANDELAYO

1. Leli phepha linamakhasi ayi-6. Qiniseka ukuthi nelakho liphelele.
 2. Qala isiqephu nesiqephu ekhasini elisha. Ungaqala nganoma yisiphi isiqephu kodwa kufanele imibuzo yeziqephu ungayixovi.
 3. Bhala izinombolo zemibuzo zihambisane nezisephepheni lokuhlolwa.
 4. Fundisisa imibuzo ngaphambi kokuphendula.
 5. Bhala ngesandla esifundekayo, uhlele ngobunono umsebenzi wakho.
-

ISIQEPHU A IMIBHALO**Phendula Umbuzo 1 NOMA Umbuzo 2.****IKHOHLISANA IHLOMILE: S.S. Mbimbi****QAPHELA: Phendula umbuzo OWODWA kwelandelayo.**


Bhala **i-eseyi** ezoba izigaba ezine kuya kwezinhlanu, amagama abe phakathi **kwangama-300** kuya **kwangama-350**.

Nakhu okubalulekile ukuze uthole umklomelo omuhle:

- Hlela i-eseyi njengoba uyalelwe.
- Sebenzisa ulimi oluhle nolunothile.
- Impendulo yakho ayikhombise ulwazi olunzulu lwendaba.
- Impendulo yakho ayibhalwe ngesiZulu esihle.

UMBUZO 1

Buka isithombe esilandelayo, ufunde nenkulumo ehambisana naso bese ubhala i-eseyi njengoba uyaleliwe.



[Isithombe sibolekwe ku-<https://www.shutterstock.com>]

Mmeli: Nkosi yenkantolo ngicela ukudlala ividiyo. Lapho sizobona umnumzane Mchunu ejabule nesithandwa sakhe uNozipho ...

[Sicashunwe ekhasini 97]

Le ndaba iveza ngokusobala **indikimba yenkohlakalo**.

Bhala **i-eseyi** ezoveza le ndikimba ngabalingiswa abathintekayo nokuthi myalezo muni odluliswa ngayo.

[30]

NOMA**UMBUZO 2**

Buka isithombe esilandelayo, ufunde nenkulumo ehambisana naso bese ubhala i-eseyi njengoba uyaleliwe.



[Isithombe sibolekwe ku-<<https://www.istockphoto.com>>]

Thembisile: Hheyi wena Nozipho! Yini indaba ungangitsheli ukuthi uyishisile ingubo yami?

[Sicashunwe ekhasini 29]

Eminye yemiyalezo kulo mdlalo ukuthi uthando lwemali lungakwenza umuntu onomhobholo nobugovu.

Bhala **i-eseyi** ukhombise ukuthi umlobi uphumelele kanjani ukugqamisa **umyalezo** okulesi sitatimende esingenhla ugxile kuNozipho, kuThembisile nakuMchunu.

[30]

Phendula Umbuzo 3 NOMA Umbuzo 4.**AMAGEMFE: M. Hlengwa, L. Mathenjwa, T. Qwabe**

Khetha umbuzo OWODWA ubhale i-eseyi ezoba phakathi kwamagama **angama-300 kuya kwangama-350**. Impendulo ayihlelwe ibe yizigaba ezine kuya kwezinhlanu.

QAPHELA:


- Hlela i-eseyi njengoba uyaleliwe.
- Sebenzisa ulimi oluhle nolunothile.
- Impendulo yakho ayikhombise ulwazi olunzulu lwendaba.
- Impendulo yakho ayibhalwe ngesiZulu esihle.

UMBUZO 3**Ukhule Ukhokhobe**

UMsizi ukhipha unina endlini. Nanoma uMsizi enenhloso enhle kodwa ukwenza kwakhe kudala udweshu endabeni.

Bhala **i-eseyi** uveze lonke UDWESHU **LWANGAPHAKATHI** no**LWANGAPHANDLE**. Qala ngokuveza isisusa salo uphethe ngomthelela walo empilweni yabalingiswa abasendabeni.

[30]**NOMA**

UMBUZO 4**Amanz' Amnyama**[Isithombe sibolekwe ku-<https://time.com>]

Aqubule uZondi. "Qizi Baba. Qizi Bhidayi Bhadosi. Ash!" Azule nendlu yonke. Uthule uJafethe. Useyabakaza nje. Kuthe lapho uZondi ebuya eza ngakuye wabe esehaza. Wayimisa yonke indlu uZondi.

"Ake sibuze Baba uZungu. Wasuka kanjani ekhaya kini?"

[Kucashunwe encwadini *AMAGEMFE* ekhasini 35]

Bheka isizinda endabeni, Amanz' Amnyama. Ngokubona kwakho umlobi ukhethe kanjani isizinda sale ndaba? Sibe nawo yini umthelela ezinkingeni uJafethe ahlangabezane nazo empilweni?

Bhala i-eseyi uhluze isizinda ubhekise nasemibuzweni engenhla.

[30]

Amamaki angama-60

ISIQEPHU B UKUBHALELA IZIMO EZITHILE

Uzothola imiklomelo emihle uma ulandela imigomo:

- Isakhiwo esihle sombhalo.
- Ulimi oluhle nolunotho ngezimo zokukhuluma.
- Inggikithi ekhombisa ulwazi lombhalo nokuziqambela.
- Irejista, ithoni, nesitayela okufanele.

UMBUZO 5**Indabambiko/imemorandamu**

Bhala ngamagama ayi-150 kuya kwayi-180.

Wena ungumholi wabafundi esikoleni sakho. Benibambe umhlangano njengabafundi ngenxa yokuthi ikhansela livule indawo yokuzithokozisa nokucima ukoma eceleni kwesikole senu.

Bhala **indabambiko/imemorandamu** eya kuMphathi-siteshi wamaphoyisa ugqamise zonke izinkinga nemiphumela engadalwa ukuvulwa kwale ndawo.

[20]

UMBUZO 6**Impilomlando (i-curriculum vitae)**

Bhala ngamagama ayi-150 kuya kwayi-180.

Wena kade ungumfundi oqengqeleza phambili esikoleni kwezemidlalo, kwezamaciko nokunye. Manje usuphase umatikuletsheni futhi waphasa ngamalengiso kuzona zonke izifundo zakho kodwa ufuna ukuhlaba ikhefu ekufundeni, ubambe itoho uthole amasentshana.

Yenza **impilomlando** unikeze imininingwane yakho ephelele ukuze ukwazi ukuthola umsebenzi.

[20]

Amamaki angama-40

Amamaki esewonke ayi-100